



Bilten Saveza općina i gradova Federacije Bosne i Hercegovine



Godina: XIX

Datum: 09.12.2022.

Broj: 283

USLUGE SAVEZA:

• PRAVNO SAVJETOVALIŠTE:

Selma Fišek, viši saradnik za pravna pitanja
selma@sogfbih.ba

• FINANSIJSKO SAVJETOVALIŠTE

Halko Basarić, viši saradnik za finansijska
pitanja
halko@sogfbih.ba

KORISNI LINKOVI ZA FONDVE EU:

www.southeast-europe.net
www.adriaticinnovationmap.eu
www.adriaticinterreg.eu
www.europa.ba
www.cbibplus.eu
www.cbc.bih-mne.org
www.srb-bih.org
www.interreg-hr-ba-me2014-2020.eu
www.programmemeu.eu
<https://tacso.eu/>
<https://evinfo.ba/en/>
www.balkanfund.org
<https://eacea.ec.europa.eu>
www.welcomeurope.com

ADRESA:

Musala br.5/1
71000 Sarajevo
Telefon: +387 33 216 502,
209 024, 209 120
fax: +387 33 552 810, 216 502
savez@sogfbih.ba

DIREKTORICA SAVEZA OPĆINA I GRADOVA FBiH VESNA TRAVLJANIN NA 43. ZASJEDANJU KONGRESA LOKALNIH I REGIONALNIH VLASTI VIJEĆA EVROPE

U periodu od 25. do 27. oktobra 2022. godine, u Strazburu se održala 43. sjednica Kongresa lokalnih i regionalnih vlasti Vijeća Evrope (CLRAE). Bosna i Hercegovina je članica CLRAE-a od 2002. godine i ima delegirane svoje predstavnike sa regionalnog i lokalnog nivoa.

Na ovom zasjedanju Kongresa u ime Saveza općina i gradova Federacije Bosne i Hercegovine obratila se direktorica Saveza gđa. Vesna Travljanin. Ovom prilikom, gđa. Travljanin je istakla značaj Saveza u pogledu zagovaranja za implementaciju Evropske povelje o lokalnoj samoupravi koju je Bosna i Hercegovina ratificirala u potpunosti, posebno sa aspekta koji je Savezu dao Ustav FBiH i Zakon o principima lokalne samouprave u FBiH kao zakonskog zastupnika svih jedinica lokalne samouprave u FBiH.



Direktorica Travljanin je istakla unapređenje saradnje sa višim nivoima vlasti u FBiH koje se ogleda i kroz činjenicu da imamo potpisane bitne dokumente o jačanju te saradnje sa Vladom FBiH i Zastupničkim domom Parlamenta FBiH. „Svojim aktivnim angažmanom, Savez je sve više prepoznat kako od strane viših nivoa vlasti, tako i od međunarodnih aktera i institucija kao nezaobilazan faktor u reformskim procesima i kontinuiranom unapređenju lokalne samouprave u svim njenim dimenzijama, djelujući i kao spona između lokalnih i viših nivoa vlasti. Ovo je prije svega rezultat podrške i učešća članica – općina i gradova u radu Saveza, što je Savezu dalo snagu i legitimitet u svom angažmanu u zastupanju interesa jedinica lokalne samouprave“, istakla je direktorica Saveza. Osvrnula se i na nimalo laku poziciju lokalnog nivoa, imajući u vidu političku i ekonomsku situaciju, fluktuaciju radne snage i odlazak mladih.

Također, istaknula je i kvalitetnu saradnju koju Savez ostvaruje i na međuentitetskom nivou, odnosno sa Savezom općina i gradova RS i općinama i gradovima iz entiteta Republika Srpska, te je direktorica ovom prilikom istakla zadovoljstvo što je Savez zajedno sa Savezom općina i gradova Republike Srpske potpisao Memorandum o razumijevanju za implementaciju projekta „Inoviranje demokratskog učešća na lokalnom nivou u BiH“ u okviru Akcionog plana Vijeća Evrope za BiH 2022-2025., gdje će Savez imati važnu ulogu koja se odnosi na promociju evropskih standarda lokalne demokratije, kao što su otvorena vlast, deliberativna i participativna demokratija, rodna ravnopravnost i ljudska prava. Naglasila je i da je Savez član NALAS-a (Mreže asocijacija lokalnih vlasti jugoistočne Evrope), s kojim ostvaruje odličnu regionalnu saradnju.

Na kraju se direktorica Saveza zahvalila Vijeću Evrope na uspješnoj saradnji i podršci koju dobija u jačanju pozicije lokalne samouprave u BiH. „Sigurni smo da će uz ovu kontinuiranu podršku, uz našu novousvojenu Strategiju, Savez nastaviti da raste i unapređuje poziciju lokalne samouprave približavajući je standardima i praksi EU, a samim tim i pružajući bolje uslove za život našim građanima, implementirajući strateške principe ravnopravnosti i solidarnosti, održive decentralizacije, depolitizacije i profesionalizacije javne uprave, modernizacije javne uprave na lokalnom nivou, rodne ravnopravnosti i prevencije svih oblika diskriminacije, učešća građana u upravljanju javnim poslovima, vertikalne i horizontalne saradnje i principa dobre prakse upravljanja“.

Snimak obraćanja direktorice Travljanin i svih učesnika 43. zasjedanja Kongresa lokalnih i regionalnih vlasti Vijeća Evrope možete vidjeti na sljedećem linku:

<https://vodmanager.coe.int/coe/webcast/coe/2022-10-27-1/en/11>



OSNOVANA MREŽA INTERNIH REVIZORA SOGFBiH



Na inicijativu više članica SOGFBiH, a na osnovu Statuta SOGFBiH, u četvrtak, 03.11.2022. godine održan je osnivački sastanak Mreže internih revizora SOGFBiH. Osnivanjem ove mreže potvrđuje se čvrsto opredjeljenje SOGFBiH da kreira uslove za produbljivanje saradnje između JLS, razmjenu mišljenja i formiranje stavova, i upućivanje inicijativa višim nivoima vlasti, prije svega vezano za zakonodavni okvir.

Osnivačkom sastanku prisustvovalo je 24 interna revizora i rukovoditelja službe interne revizije. U uvodnim obraćanju g-đe Vesne Travljanin, direktorica SOGFBiH, potvrdila je kontinuiran angažman Saveza na jačanju neformalnih konsultativnih tijela, koje imaju za cilj koordinaciju aktera iz JLS u pojedinačnim oblastima, te postizanje jedinstvenog stava struke o pojedinim pitanjima.

G-đa Fatima Obhodaš, pomoćnica ministra - Centralna harmonizacijska jedinica Federalnog ministarstva finansija dala je pregled aktivnosti u sektoru interne revizije odnosno finansijske kontrole i upravljanja u FBiH, te poželjela uspješan rad novoj Mreži SOGFBiH.

G-din Benjamin Mešak, predsjednik Komisije za ekonomski razvoj općina i gradova i finansije SOGFBiH, također je istaknuo važnost koordinacije između internih revizora u JLS, imajući u vidu specifičnosti javne uprave na lokalnom nivou i potrebu tješnje saradnje između internih revizora općina i gradova.

Za predsjedavajuću Mreže izabrana je g-đa Amra Hamzić, rukovoditelj Službe za internu reviziju Grada Tuzla, a za zamjenicu predsjedavajuće g-đa Lejla Šipur, glavni interni revizor Općine Iliđa.

Mreža za internu reviziju SOGFBiH donijet će plan rada za 2023. godinu, shodno dobivenim inicijativama od članova Mreže, a redovni sastanci održavat će se najmanje 2 puta godišnje.



Osnivanjem ove mreže potvrđuje se čvrsto opredjeljenje SOGFBiH da kreira uslove za produbljivanje saradnje između JLS, razmjenu mišljenja i formiranje stavova, i upućivanje inicijativa višim nivoima vlasti, prije svega vezano za zakonodavni okvir.

ODRŽANA ZAJEDNIČKA SJEDNICA KOMISIJA SAVEZA OPĆINA I GRADOVA FEDERACIJE BIH

Komisije su stala da je Agencija za državnu službu Federacije Bosne i Hercegovine prekoračila svoja ovlaštenja time što je stopirala redovne procese i procedure zapošljavanja u općinama i gradovima. Savez općina i gradova FBiH će tražiti očitovanje Federalnog ministarstva pravde i Federalne upravne inspekcije u smislu otklanjanja ovih nepravilnosti.

Zajednička sjednica komisija Saveza općina i gradova Federacije Bosne i Hercegovine održana je 6.12.2022. godine u hotelu "Mostar" u Mostaru. Na dnevnom redu su se našle, između ostalih, prezentacija Studije o prenesenim nadležnostima jedinicama lokalne samouprave bez sredstava, informacija o uspostavljanju kreditne linije za predfinansiranje i sufinansiranje EU projekata, prezentacija koncepta nisko-karbonskog urbanog razvoja putem ESCO modela provedbe projekata energetske efikasnosti, priopćeno je iz SOGFBiH-a.



Sa zajedničke sjednice komisija, Mostar 6.12.2022.

Na sjednici su sudjelovali članovi Komisije za ustavna i zakonodavna pitanja, Komisije za ekonomski razvoj općina i gradova i finansije, Komisije za imovinska pitanja, prostorno uređenje, stambeno-komunalne djelatnosti i zaštitu životnog okoliša, te Komisije za razvoj i unaprjeđenje lokalne samouprave.

Na sjednici je također razmatrana i Presuda Ustavnog suda FBiH kojom je utvrđeno da članom 49. stav 4. i članom 52. stav 1. tačka 3. Zakona o organizaciji organa uprave u FBiH nije povrijeđeno pravo općina na lokalnu samoupravu.

U vezi sa navedenom Presudom, komisije su tražile da se od Vlade Federacije Bosne i Hercegovine i Parlamenta Federacije Bosne i Hercegovine zahtijeva usklađivanje Zakona o organizaciji organa uprave u FBiH sa Zakonom o principima lokalne samouprave u Federaciji Bosne i Hercegovine u dijelu koji se tiče pitanja nadležnosti za utvrđivanje organizacije službi za upravu, odnosno nadležnosti za donošenje pravilnika o unutrašnjoj organizaciji službi jedinica lokalne samouprave, a što je zakonska obaveza propisana članom 58. Zakona o principima lokalne samouprave.

Komisije su također stala da je Agencija za državnu službu Federacije Bosne i Hercegovine prekoračila svoja ovlaštenja time što je stopirala redovne procese i procedure zapošljavanja u općinama i gradovima. Savez općina i gradova FBiH će tražiti očitovanje Federalnog ministarstva pravde i Federalne upravne inspekcije u smislu otklanjanja ovih nepravilnosti.

Napomena: Video izjave direktorice Saveza općina i gradova FBiH Vesne Travljanin i saradnika SOG-a Halke Basarića, inserti sa zajedničke sjednice kao i fotografije se nalaze na linku: <https://bit.ly/3HkTlr1>

PREZENTACIJA KONCEPTA NISKO-KARBONSKOG URBANOG RAZVOJA PUTEM ESCO MODELA PROVEDBE PROJEKATA ENERGETSKE EFIKASNOSTI

Savez općina i gradova Federacije Bosne i Hercegovine u saradnji sa projektom URBANLED organizirao je promociju ESCO modela provedbe projekata energetske efikasnosti.

Promocija je održana 17.11.2022. godine u Sarajevu, Hotel Bosmal Arjaan by Rotana u prisustvu više od 20 predstavnika općina i gradova.

Osnovni princip ESCO modela je da angažovana kompanija ulaže sredstva u rješenja koja će klijentu umanjiti troškove, a svoju uslugu naplaćuje iz dijela ostvarene uštede. Korisnik, koji može biti javni partner ili privatna kompanija, zahvaljujući ostvarenim uštedama, otplaćuje ESCO kompaniji uložena sredstva za usluge. Nakon otplate korisnik zadržava provedena rješenja i nastavlja ostvarivati uštede.



Projekat „Pokretanje okolišnog finansiranja u svrhu niskokarbonskog urbanog razvoja“ (URBANLED), kojeg finansira Globalni fond za okoliš (GEF), a provodi Razvojni program Ujedinjenih nacija pruža podršku jedinicama lokalne samouprave u uspostavljanju ESCO modela provedbe projekata energetske efikasnosti.

Projekat URBANLED kroz saradnju sa privednim komorama u Bosni i Hercegovini nastoji povećati ponudu ESCO kompanija koje su spremne pružiti usluge iz svih oblasti uštede energije.



ODRŽANA OBUKA ZA PRAKTIČARE O METODOLOGIJI MZ / LOKALIZACIJA VIZIJE MZ ZA RELEVANTNE PREDSTAVNIKE LOKALNE UPRAVE

Kako primijeniti metodološki okvir mjesnih zajednica i podržati lokalizaciju vizije mjesnih zajednica? O ovim pitanjima se jučer diskutovalo na obuci za praktičare i relevantne predstavnike lokalne uprave.

Obuka je održana u Sarajevu, 31.10.2022. godine a njen glavni cilj je da unaprijedi vještine osoblja u općinama i gradovima koje radi sa mjesnim zajednicama. Na obuci je predstavljen kratki prikaz zakonskog okvira relevantnog za mjesne zajednice za entitete Federaciju Bosne i Hercegovine i Republiku Srpsku.



Sa obuke praktičara održane u Sarajevu, 31.10.2022.

Učesnici su imali priliku da se upoznaju sa dobrim praksama koje povezuju ulogu mjesnih zajednica i ključnim zadacima jedinica lokalne samouprave. Također je prezentirana Nova vizija mjesnih zajednica u Bosni i Hercegovini, njeni osnovi i procesi nastanka za buduće vizije u BiH.

Predstavnici općina i gradova su kroz rad u grupama diskutovali o trenutnom stanju u njihovim mjesnim zajednicama, koliko građani aktivno učestvuju u razvojnim procesima, kako animirati građane za intenzivnije učešće u aktivnostima u zajednici. Također se uz praktični rad razgovaralo o lokalizaciji vizije mjesnih zajednica u jedinicama lokalne samouprave.

Ovo je jedna od aktivnosti koja se sprovodi u sklopu projekta „Jačanje uloge mjesnih zajednica u BiH“, kojeg finansiraju Vlada Švicarske i Švedska, a provodi UNDP. Savez općina i gradova Federacije Bosne i Hercegovine i Savez opština i gradova Republike Srpske su partneri na ovom projektu i u narednom periodu će organizirati obuke za općinske/gradske vijećnike.

Na obuci je predstavljen kratki prikaz zakonskog okvira relevantnog za mjesne zajednice za entitete Federaciju Bosne i Hercegovine i Republiku Srpsku

NOVI EU4BUSINESSRECOVERY POZIV: 600 HILJADA KM ZA UNAPREĐENJE ZAŠTITE I SIGURNOSTI NA RADU U SEKTORU POLJOPRIVREDE

U okviru projekta EU4BusinessRecovery, koji finansiraju Evropska unija i Savezna Republika Njemačka, objavljen je Javni poziv za učešće u programu tehničke podrške i dodjele bespovratnih sredstava u okviru mjere podrške investicijama u svrhu unapređenja zaštite i sigurnosti na radu (uključujući mjere zaštite od COVID-19) u sektoru poljoprivrede u Bosni i Hercegovini.

Kroz ovaj javni poziv, vrijedan 600 hiljada KM, Evropska unija omogućit će učešće poslovnih subjekata u programu edukacije, tehničke i finansijske podrške vezano za zaštitu i sigurnost na radu. Nakon učešća u edukaciji i tehničkoj podršci projekta, preduzeća će biti kvalificirana za finansijsku podršku investicijama od 10.000 do 30.000 KM, koja će biti usmjerena na implementaciju preporučenih mjera za unapređenje zaštite i sigurnosti na radu (uključujući COVID-19 mjere).



Kroz ovaj javni poziv, vrijedan 600 hiljada KM, Evropska unija omogućit će učešće poslovnih subjekata u programu edukacije, tehničke i finansijske podrške vezano za zaštitu i sigurnost na radu.

Odabrana preduzeća dobit će besplatno učešće u edukaciji o zakonskim aspektima i značaju primjene mjera zaštite i sigurnosti na radu. Dodatno, preduzećima će biti pružena tehnička podrška u oblastima procjene postojećeg stanja za zaštitu i sigurnost na radu, ispitivanja uslova radne sredine i preporuka za unapređenje uslova radne sredine, izrade akta o procjeni rizika za svako radno mjesto, izrade internog akta o zaštiti na radu zajedno sa prijedlogom potrebnih sredstava za zaštitu i sigurnost na radu i/ili edukaciju uposlenika o zaštiti i sigurnosti na radu. Pomenuta tehnička podrška će biti pružena u skladu sa individualnim potrebama preduzeća.

Na javni poziv mogu se prijaviti obrti, preduzetnici, zadruge, mikro, mala i srednja preduzeća koja su registrovana najkasnije godinu dana prije objave ovog Javnog poziva i bave se primarnom poljoprivrednom proizvodnjom ili preradom poljoprivrednih proizvoda i sirovina. Za svaki projekat podnosilac prijave mora osigurati vlastito sufinansiranje u iznosu od minimalno 15% ukupnog iznosa prihvatljivih troškova predložene investicije. Javni poziv sa pratećom dokumentacijom dostupan je direktno putem web stranice eu4business.ba. Svi zainteresovani za učešće u javnom pozivu prijave sa potrebnom dokumentacijom trebaju dostaviti putem online platforme javnipoziv.undp.ba od 28.11.2022. do 23.12.2022.

Realizacijom ovih investicija nastoji se podržati modernizacija poljoprivredno-prehrambenog sektora i poboljšanje ruralne ekonomije. Glavni cilj je osigurati opstanak mikro, malih i srednjih preduzeća u važnim privrednim sektorima Bosne i Hercegovine kako bi se smanjili negativni učinci izazvani pandemijom COVID-19. Projekat EU4BusinessRecovery daje važan ekonomski i socijalni doprinos u područjima higijene i zaštite na radu, sigurnosti radnih mjesta, te inovacijama proizvođa i digitalizaciji.

Projekat finansiraju Evropska unija i Savezna Republika Njemačka, a provodi Razvojni program Ujedinjenih nacija (UNDP) u Bosni i Hercegovini (BiH) u partnerstvu sa Deutsche Gesellschaft für Internationale Zusammenarbeit (GIZ) GmbH i Međunarodnom organizacijom rada (ILO).

JAVNI POZIV
POSLOVNIM SUBJEKTIMA U SEKTORU POLJOPRIVREDE
PROGRAM TEHNIČKE PODRŠKE I DODJELE BESPOVRATNIH SREDSTAVA

600.000 KM

ZA UNAPREĐENJE ZAŠTITE I SIGURNOSTI NA RADU UKLJUČUJUĆI COVID-19

DODJELJUJEMO:

- UČEŠĆE U PROGRAMU TEHNIČKE POMOĆI
- EKSPERTNU PODRŠKU ZA REALIZACIJU IDEJE
- OD 10.000 KM DO 30.000 KM BESPOVRATNE POMOĆI

Logos: EU, GIZ, UNDP, ILO, German Development Cooperation, German Federal Government, German Federal States, German Federal Republic of Germany.

ODRŽANO 11 OBUKA U OKVIRU PROJEKTA JAČANJE ULOGE MJESNIH ZAJEDNICA U BIH



Sa obuke održane u Kaknju, 21.11.2022.

Uvodna obuka o metodologiji i novoj viziji mjesnih zajednica za izabrane zvaničnike u jedinicama lokalne samouprave održana je u periodu od 7. novembra do 8. decembra 2022. godine u sljedećim JLS: Bužim, Velika Kladuša, Ilidža, Mostar, Drvar, Bosansko Grahovo, Hadžići, Kakanj, Lukavac, Travnik i Kalesija na kojim je učešće uzelo više od 150 učesnika.

Cilj obuke je bio upoznavanje izabranih zvaničnika sa metodologijom i novom vizijom mjesnih zajednica kako bi se podigla svijest o važnosti aktivnog angažmana građana u razvoju lokalne zajednice.

Izabrani zvaničnici imali su priliku upoznati se sa metodologijom i novom vizijom mjesnih zajednica kroz kratak prikaz zakonskog okvira, prikaz metodološkog skupa praktičnih sredstava i dokumenata mjesnih zajednica, uz povezivanje sa ciljevima i ulogom jedinica lokalne samouprave i MZ. Osim toga, imali su priliku da se upoznaju i sa novom vizijom mjesnih zajednica u BiH – osnovama, procesima nastanka i principima buduće vizije MZ u BiH, modelima nove vizije MZ u BiH, te ulogom vijeća/skupštine u lokalizaciji vizije MZ.

Ova aktivnost se sprovedla u sklopu projekta „Jačanje uloge mjesnih zajednica u Bosni i Hercegovini“ kojeg finansiraju Vlada Švicarske i Švedska, a provodi UNDP. Savez općina i gradova Federacije Bosne i Hercegovine i Savez opština i gradova Republike Srpske su partneri na ovom projektu.

Gledajte Savez općina i gradova
Federacije Bosne i Hercegovine na



facebook
Savez općina i gradova Federacije
Bosne i Hercegovine

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način pružamo informacije o održanim sjednicama organa i tijela Saveza, konferencijama, seminarima, radionicama, okruglim stolovima, javnim raspravama, projektnim aktivnostima i sl.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba; ili putem popunjavanja forme na našoj web stranici.

Molimo vas da informacije o našem biltenu proslijedite svima u vašoj i susjednim JLS i drugim zainteresiranim.

Ukoliko želite da objavite neke od vaših novosti, iskoristite bilten Saveza koji je brz i efikasan način komuniciranja.

Sa zadovoljstvom očekujemo vaše komentare, sugestije ili primjedbe.